



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

17 f Polichronius Bischoff vnd Marterer.

urn:nbn:de:hbz:466:1-41449

Februarius

f xiiij. Calend. Martij.

Der XVII. Tag im Hornung.

Anno Dñi
253.

In der Statt Babylonia inn Persien/ ist heut der
Geburtstag des heyligen Bischoffs vnnnd Mar-
terers Policronij / wellicher vnder dem Tyranni-
schen Kaiser Decio lange zeit gefangen gelegen/ vnd mit
Steinen inn Mund geschlagen/ hat mit außgestreckten
händen/ vnd auffgehabnen augen gen Himmel/ sein Gaiß
Gott auffgeben.

Item inn der Statt Concordia das leyden der heyligen
Donati/ Secundiani/ vnnnd Romuli/ mit andern
sechß vnd achzig.

Item inn Schotland des heyligen Priesters vnnnd
Beichtigers Sintani / mit grossen tugenten vnd kräften
begabet.

In der Statt Amasee/ des h. Jünglings vnd Rit-
ters Theodori/ bey Armentia geboren/ der trat frey zu dem
Gottlosen Landuogt / bekannte sich für einen Christen/
vnd ließ sich hefftig schlagen. Darnach hat er den Ab-
göttischen Tempel angezündt/ vnd auß befehl des Land-
uogts/ ist er ins Fiewi geworffen vnnnd verbrennt worden.

Item im Taruaner Flecken/ in dem Kloster Sichtig
des h. Siluini Bischoffs der Statt Tholosa.

Item zu Trier des heyligen Bischos vnd Beichti-
gers Bonosij.

Item zu Siberg / Cölner Bisshumbs / die erhe-
bung des heyligen Priesters vnnnd Marterers Benigni
(pomm wellichem hernach am ersten tag Weinmonats
weyter)

weyter) durch Sanct Annonem Erzbischoff zu Cöln Anno Dñi
geschehen. 1073.

Item des heyligen Sabini Bischoffs in der Statt
Camisina in Apulia / welcher alters halben sein Gesicht
verlor / vnnnd dennoch erkannte / daß ihm sein neydiger
Erstdiacon het Giffte zu trincken dargeraicht. Darumb
sagt er frey zu ihm: Ich trincke wol den Giffte / du wirst
aber dennoch mit nichten Bischoff. Mache darauff das
heylig Creuz / tranck das Giffte ohn verletzung / vnnnd der
Erstdiacon starb alsbald / nach Sanct Gregoris Zeug-
nuß. Anno Dñi 530.
Lib. 3. Dialog.

Item zu Claremonte des heyligen Reichthigers Lu-
plani.

G xij. Calendas Martij.

Der XVIII. tag im Hornung.

HEBZ ist der Geburtstag des heyligen Bischoffs
vnnnd Martirers Simeonis / soll ein nahender
Freund vnnsers Haylands Jesu Christi gewesen
sein / der dreysig ertrunckne Menschen wider lebendig
machtet / auch nach S. Jacob dem Bruder des H. Ern-
Bischoff zu Jerusalem wordē / vnder der verfolgung des
Tyrannen Ircani lange zeit gepeinigt / vnd entlich an
einem Creuz gemartert / daß sich alle gegenwertige / sa
auch der Richter selbs / verwunderte / wie er nun von 120.
jar alt / die pein des Creuz mit so starckem gemüth erley-
den kōndte. Anno Dñi 100.

Item in der Statt Ostia der H. Martirer Maximi /
Claudii vnd seines Weibs Prepedigne / mit zweyen Kin-
dern / nemblich Alexandria vnd Curia. Die zwen ersten
S ij waren